



Bosnia and Herzegovina
Federation of Bosnia and Herzegovina
Bosnian – podrinje canton Goražde
GOVERNMENT OF CANTON

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine (službene novine Federacije Bosne i Hercegovine broj: 12/03, 34/03 i 65/13) a u skladu sa Zaključkom Vlade Bosansko-podrinjskog kantona Goražde kojim se utvrđuju Kriteriji za imenovanje na poziciju direktora broj: 03-30-2268-1/24, i u vezi sa Zaključkom o raspisivanju oglasa za izbor i imenovanje direktora Kantonalne uprave za inspeksijske poslove Bosansko-podrinjskog kantona Goražde broj: 03-30-2268/24 , a u skladu sa članom 22. Stav 5 Zakona o državnoj službi Bosansko-podrinjskog kantona Goražde (službene novine Bosansko-podrinjskog kantona Goražde broj 3/18, 6/20), Vlada Bosansko-podrinjskog kantona Goražde objavljuje:

JAVNI OGLAS

za izbor i imenovanje direktora Kantonalne uprave za inspeksijske poslove Bosansko-podrinjskog kantona Goražde

1. OGLAŠAVA SE UPRAŽNJENA POZICIJA:

- Direktor Kantonalne uprave za inspeksijske poslove Bosansko-podrinjskog kantona Goražde

2. OPIS UPRAŽNJENE POZICIJE:

Direktor Kantonalne uprave za inspeksijske poslove Bosansko-podrinjskog kantona Goražde (u daljem tekstu Uprava) nadležan je da :

- predstavlja i zastupa upravu, organizira i osigurava zakonito i efikasno obavljanje svih poslova iz nadležnosti Uprave;
- donosi podzakonske propise i druge opće i pojedinačne akte za koje je zakonom ovlašten i preuzima druge mjere za obavljanje poslova iz nadležnosti Uprave, te odlučuje u skladu sa zakonom, o pravima, obavezama i odgovornostima državnih službenika i namještenika iz radnog odnosa i obavlja druge poslove za koje je zakonom i drugim propisom ovlašten.
- obavezan je da na osnovu i u okviru ustava, zakona i drugih propisa svjesno i odgovorno vrši povjerenu mu funkciju i lično je odgovoran za njeno vršenje, kao i za rad Uprave
- donosi sve akte Uprave (rješenja, odluke, pravilnike, mišljenja i druge akte) na osnovu nacrtu dostavljenog od strane državnih službenika ili namještenika koji obavljaju poslove utvrđene sistematizacijom.

3. MANDAT

Mandat Direktora traje pet (5) godine, uz mogućnost ponovnog imenovanja, odnosno najviše dva puta uzastopno u skladu sa članom 27. stav (2) Zakona o državnoj službi Bosansko-podrinjskog kantona Goražde (službene novine Bosansko-podrinjskog kantona Goražde broj 3/18 i 6/20),

4. OPĆI UVJETI

Kandidati za poziciju Direktora Kantonalne uprave za inspekcijske poslove dužni su ispunjavati slijedeće uvjete:

- a) da su stariji od 18. godina;
- b) da nisu otpušteni iz državne službe kao rezultat disciplinske mjere na bilo kojem nivou u BiH u periodu od 3 godine prije dana objavljivanja upražnjene pozicije;
- c) da se protiv kandidata ne vodi krivični postupak
- d) da se na njih ne odnosi član IX 1. Ustava BiH.
- e) da ima opću zdravstvenu sposobnost za obavljanje navedene pozicije.

5. POSEBNI UVJETI

Pored uvjeta iz tačke 4. Oglasa, kandidat mora ispunjavati i slijedeće uvjete:

- a) VSS/VII stepen stručne spreme, završen pravni ili ekonomski fakultet odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, navedenih struka;
- b) najmanje pet (5) godina radnog staža u struci nakon sticanja visoke školske spreme;

6. OSTALI UVJETI

Napomena: Dokaz o ispunjavanju uslova iz tačke e. (zdravstvena sposobnost) dužan je priložiti samo kandidat koji bude imenovan na poziciju direktora.

7. POTREBNA DOKUMENTA

Uz prijavu na Javni oglas koja sadrži kraću biografiju, kandidati su dužni naznačiti adresu i kontakt telefon. Te su dužni dostaviti dokaze o ispunjavanju općih i posebnih uvjeta (original ili ovjerenu fotokopiju ne stariju od 3 mjeseca), kako slijedi:

Dokaz o ispunjavanju općih uslova:

- Izvod iz matične knjige rođenih (original ili ovjerena fotokopija ne stariji od 3 mjesec)
- Izjava kandidata da nisu otpušteni iz državne službe kao rezultat disciplinske mjere na bilo kojem nivou u BiH u periodu od 3 godine prije dana objavljivanja upražnjene pozicije ovjerena kod nadležnog organa (original ne starija od 3 mjeseca)
- Uvjerenje o nevođenju krivičnog postupka koje izdaje Općinski ili Kantonalni sud (original ne starije od 3 mjeseca)
- Izjava kandidata da se na njih ne odnosi član IX 1. Ustava BiH ovjerena od nadležnog organa (original ne stariji od 3 mjeseca)

Dokaz o ispunjavanju posebnih uslova:

- Diploma o završenoj školskoj spremi (original ili ovjerena kopija od nadležnog organa)
- Potvrda poslodavca o radnom stažu ili Uvjerenje o radnom stažu iz PIO/MIO (original ili ovjerena kopija ne starija od 3 mjeseca).

8. PODNOŠENJE PRIJAVE

Prijave sa traženom dokumentacijom, lično ili putem pošte, dostaviti na adresu:

Vlada Bosansko – podrinjskog kantona Goražde, 1. Slavne Višegradske brigade 2a, Goražde.

Sa naznakom: „Prijava na javni oglas za izbor i imenovanje Direktora Kantonalne uprave za inspeksijske poslove Bosansko-podrinjskog kantona Goražde – NE OTVARAJ“.

Javni oglas ostaje otvoren 15 /petnaest/ dana od dana posljednjeg objavljivanja, a objaviće se u “Službenim novinama FBiH”, dnevnim novinama „Avaz“, na službenoj web.stranici Vlade BPK-a Goražde: www.bpkg.gov.ba i Službenoj oglasnoj ploči BPK-a Goražde .

Neblagovremene i nepotpune prijave neće se uzimati u razmatranje. Kandidati koji budu stavljeni na listu za uži izbor bit će pozvani na intervju pred komisijom. Sve dodatne informacije možete dobiti na službenoj web.stranici Vlade BPK-a Goražde: www.bpkg.gov.ba, Oglasnoj ploči BPK-a Goražde ili direktno na kontakt telefon: 038/221-212.

Broj: 03-30-2268-4/24

Goražde, 30.10.2024. godine

